

DOI: <https://doi.org/10.5281/zenodo.13924027>

## O‘ZBEK TILIDAGI FRAZEOLGIK BIRLIKLAR TASNIFI

**M.A.Hamrayev**

Nizomiy nomidagi Toshkent davlat pedagogika universiteti,

O‘zbekiston Respublikasi, Toshkent shahri

[m.a.hamrayev@gmail.com](mailto:m.a.hamrayev@gmail.com)

### **АННОТАЦИЯ**

*В данной статье рассматривается классификация фразеологических единиц: по степени переносных значений, по разделению по отношению по форме и значению, по видам переносных значений, по вариантности.*

*Ключевые слова: фразеологические единицы, фразеологические соединения, фразеологические сочетания, фразеологические единства, фразеологические сращения.*

### **ABSTRACT**

*This article examines the classification of phraseological units: by degree of figurative meaning, by division by relationship of form and meaning, by types of figurative meanings, by variance*

*Keywords: phraseological units, phraseological compounds, phraseological combinations, phraseological unities, phraseological fusions.*

Frazeologiya – tilshunoslikning bo‘limlaridan biri hisoblanadi. **Frazeologiya** – lotin tilidan olingan so‘z bo‘lib, *praxis* – ifoda, *logos* – ta’limot deganidir.

Ma’no yaxlitligiga ega bo‘lgan va nutqiy jarayonga qadar ikki va undan ortiq so‘zlarning barqaror munosabatidan tashkil topgan, nutqqa tayyor holda olib kiriluvchi ko‘chma ma’nodagi barqaror birikmalarga **frazeologizmlar** deyiladi

Tilning iboralarni o'rganadigan bo'limi **frazeologiya**, iboralar yig'indisi esa **frazeologizm** deb yuritiladi.

Masalan, *tilini tiymoq, tarvuzi qo'ltig'idan tushmoq, o'takasi yorilmoq* va hokazolar

### 1.MA'NO KO'CHISH DARAJASIGA KO'RA TURLARI.

**1) Frazeologik qo'shilma, ya'ni tarkibidagi ayrim so'zlar o'z ma'nosida keladigan iboralardir:**

*Imzo chekmoq.* Bu ibora tarkibidagi *imzo* so'zi o'z ma'nosida, *chekmoq* so'zi esa ko'chma ma'noda.

**2) Frazeologik birlashma,** ya'ni tarkibidagi barcha so'zlar ko'chma ma'noda bo'lib, iboraning umumiy manosi ham ko'chma ma'nodadir: *tarvuzi qo'ltig'idan tushdi.*(*bo'shashdi.*)

**3) Frazeologik chatishma,** ya'ni tarkibidagi ayrim so'zlarni hozirgi o'zbek tili asosida izohlash qiyin: *pixini yorgan (juda ayyor).*Bu ibora tarkibidagi *pix* so'zining etimologiyasini maxsus tekshiruvsiz izohlash mushkul. Uni faqat o'zbek tilining izohli lugati yordamida izohlash mumkin: "PIX – ayrim erkak parrandalarning oyog'idabo'ladigan muguzsimon uchli o'simta. *Xo'rozning pixi*"<sup>1</sup>

### 2.FRAZEOLOGIK BIRLIKLARNING QAYSI SO'Z TURKUMI O'RNIDA KELISHI JIHATIDAN TASNIFI

Bunda frazeologik birikmalarning qaysi turkumga tegishliligi hisobga olinadi va quyidagi guruhlarga bo'linadi:

a) fe'l frazeologik birikmalar: *boshi shishmoq* (gangimoq)

b) Sifat frazeologik birikmalar: *yog'tushsa yalaguday* (juda toza)

d) Olmosh\_frazeologik birikmalar:

*yetti yoshdan yetmish yoshgacha* (hamma)

### 3.FRAZEOLOGIK BIRLIKLARNING SHAKL VA MA'NO TURLARIGA KO'RA TASNIFI

**Omonimlik xususiyatiga ega iboralar-** shakli bir xil ma'nosi har xil iboralar. M:  
*boshga ko'tarmoq- e'zozlamoq; boshga ko'tarmoq- shovqin solmoq*

<sup>1</sup> O'zbek tilining izohli luga'ati. T., 2007-yil, 267-bet.

**Sinonimlik xususiyatiga ega iboralar** - bir-biriga ma'nosi yaqin ma'nodosh iboralar.

M: *dunyoga kelmoq- tavallud topmoq*

**Antonimlik xususiyatiga ega iboralar** - qarama-qarshi ma'noli iboralar, zid ma'noli

iboralar. M: *dunyoga kelmoq- dunyodan ketmoq*

**Paronimlik xususiyatiga ega iboralar** – tar kiban bitta so'z bilan farqlanadigan iboralar: *yetti uxlab, tush(i)ga kirmaslik va yetti uxlab tush(i)da ko'rmaslik;*

#### **4. FRAZEOLOGIK BIRLIKLARNING KO'P MANOLILIGIGA KO'RA TASNIFI**

##### **1. Bir ma'noli frazeologik birliklar**

Xuddi bir ma'noli so'zlarga o'xshab bir ma'noli frazeologik birliklar ham tarkibidagi so'zlarning ma'nolaridan kelib chiqadigan bitta ko'chma ma'noga ega bo'ladi. Masalan *bir yoqadan bosh chiqarmoq iborasi* "hamjihat bo'lmoq" degan bitta ko'chma ma'noni, "yer bilan osmoncha" iborasi "juda katta, beqiyos (farq)" degan bitta ko'chma ma'noni ifodalaydi.

##### **2. Ko'p ma'noli frazeologik birliklar**

Ko'p ma'noli leksemaga o'xshab polisemantik iboralar ham bir-biriga bog'langan kamida ikkita ma'noga ega bo'ladi. Ko'p manoli iboralarning ko'chma ma'nolari ikkitadan beshtagacha borishi mumkin.

1) ikki manoli iboralar: *yo'lga tushmoq*. 1. *Kim*. jo'namoq, keta boshlamoq. 2. To'g'ri yo'lga qaytmoq.

2) uch manoli iboralar: *bino qo'yimoq* – 1. *o'ziga*. Ortiqcha baho bermoq, yuksak fikrda bo'lmoq. 2. *o'ziga*. Qiyofasiga alohida e'tibor bermoq. 3. *Kimga* yoki *nimaga*. E'tiqod bilan qaramoq.

3) to'rt manoli iboralar: *bosh ko'tarmoq*. 1. *Kim*. Qaramoq. 2. *Kim nimadan*. Qilib turgan ishini to'xtatmoq. 3. *Nima*. Qo'zg'almoq, harakatga kelmoq. 4. *Kimga qarshi*. Kurashga chog'lanmoq.

4) besh manoli iboralar: *javob bermoq*. 1. *Kim nimaga* yoki *kimga*. Javob qilmoq. 2. *kim nimaga nima bilan*. Javoban ish tutmoq. 3. *Nima nimaga*. Qondirmoq. 4. *Kim nimaga*. Javobgarlikni o'z ustiga olmoq. 5. *Kim kimga*. Ketishga ruxsat bermoq.

5) olti manoli iboralar: *to‘g‘ri kelmoq* – 1. *Nima* yoki *kim nimaga* yoki *kinga*. Muvofiq bo‘lmoq. 2. *Nima nimaga*. Bir vaqtda bo‘lmoq. 3. *Nima kimga* yoki *nimaga qanchadan*. Taqsimlaganda tegmoq. 4. *Nima* yoki *kim kimga*. Yo‘liqmoq, uchramoq. 5. *Nima* yoki *nima qilish*. Qulay bo‘lmoq. 6. *Nima qilishga*. Lozim bo‘lmoq, zarur bo‘lmoq.

## **5.FRAZEOLOGIK BIRLIKLARNING VARIANTLILIGIGA KO‘RA TASNIFI.**

**Leksik variantli iboralar** deganda ibora tarkibidagi mustaqil so‘z turkumiga oid so‘zi o‘zgartilishi nazarda tutiladi. Masalan: *o‘yga cho‘mmoq* – *o‘yga botmoq*, *og‘ziga tolqon solmoq* – *og‘ziga so‘k solmoq* va b.

**Grammatik variantli iboralar** deganda ibora tarkibidagi biror grammatik qismning almashtirilishi nazarda tutiladi. Masalan: *o‘tirgani joy topolmaslik* – *o‘tirishga joy topolmaslik*, *holdan toymoq* – *holdan toydirmoq*.

## **FOYDALANILGAN ADABIYOTLAR**

1. M.Hamrayev, D.Shodmonqulova, N.Do‘sanov. Ona tili vabolar adabiyoti (1-qism: Ona tili) darslik) “Grandkondoprint”, Toshkent, 2023-yil.
2. O‘zbek tilining izohli luga’ati. “O‘zbekiston milliy ensiklopediyasi” davlat ilmiy nashriyoti. T., 2007-yil.